

սինն  $3\frac{1}{2}$  ժամ, ուստի կը դառնայ ի հիւսիս մինչև ասին երասխի, ուստի կուղղուի յարևելս ի Կաղզուան:

18, Զաթայ կիրձ, որ մի ժամ կը տևէ անցքը Տէլի-բարայի և Մօլլասիւլէյմանայ մէջ, կանցնի Խաւեազի հիւսիսից:

### Բ Ե Ր Պ Ե Ր

Ալաշկերտի դաշտային մասն, որ մօտ 100 զիւղերէ կը բաղկանայ ոչ մի վայր բերդի հետք չերևիր, բաց ի Խասսուր զիւղէ, որ դաշտիս արևմտեան կողմն բարձր դաշտային վայր մի զբաւած է, ուր կերևին հին բերդի հետքեր և մէջը գտնուած է բեւեռագրով քառակուսի մի քար:

Պաշտս շրջապատող ամեն զիւղօրայք, նաև լեռնահովիտներու մէջ հաստատուած զիւղօրայք մեծաւ մասամբ ունին իւրեանց ապաստանարան բերդն, մեծ և փոքր բերդօրէից հետքեր զրեթէ ամեն զիւղի շուրջն կերևին:

Բազրեանդ արշաւանաց ճանապարհի վերան գլտնուելով միշտ պէտք ունեցած է ինքնապաշտպանութեան, եթէ ոչ զիմադրելու, գոնէ ապաստանարան գտնելու համար իւր զիւղի բարձունքը կամ բարձր լեռներու ու ժայռերու և կամ բլուրներու գագաթն պարիսպ շինած ու մէջն է մտած իւր ընտանեօք, որպէս զի մինչև հրոսակներու արշաւանաց հոսանքը անցնի:

Այսպիսի բերդօրէից թիւը արևմտեան դաշտի շուրջն միայն 150—200 կը կարծուի, իսկ կան քանի լեռներ, որք իբրև բերդ գործածուած են, որոց գագաթն ապաստան գտած են դաշտային և լեռնային ժողովուրդք միանգամայն, որք ընդհանուր ժողովրդեան ապաստանարան զարձած են մեծ պատերազմներու ժա-